

漢魏叢書

藉載 神異經

藉載 十洲記

藉載 述異記

漢 東方朔

著

漢 東方朔

著

梁 任昉

著

神異經目錄

東荒經

東南荒經

九則

五則

南荒經

西南荒經

十則

三則

西荒經

西北荒經

八則

六則

北荒經

東北荒經

三則

一則

中荒經

一限

北十則

東出荒經

八限

六限

六

六限

西荒經

西北荒

西北

西北荒

十限

三限

三

三限

南荒經

西南荒

西南

西南荒

六限

五限

五

五限

東荒經

東南荒

東南

東南荒

目錄終

神異經

漢 東方朔著 皆朱衣縞閱

東荒經

東荒山中有大石室東王公居焉長一丈頭髮皓白
 人形鳥面而虎尾載一黑熊左右顧望恒與一玉女
 投壺每投千二百矯堦按仙傳拾遺矯字作梟設有入不出者天
 為之嚙噓華曰嘆也矯出而脫悞不接者言失之天為之笑
華云言笑者天口流火焰灼今天下不雨而有電光是天笑也
 東方有人焉男皆朱衣縞帶玄冠女皆采衣男女便

轉可愛恒恭坐而不相犯相譽而不相毀見人有患

投死救之名曰善人

俗云士人

一名敬

俗云敬謹

一名美

俗云美人

不妄言嘍嘍然而笑倉卒見之如癡

俗云善人如癡此之謂也

東方荒外有豫章焉此樹主九州其高千丈圍百尺

本上三百丈本如有條枝敷張如帳上有玄狐黑猿

枝主一州南北竝列面向西南有九力士操斧伐之

以占九州吉凶斫之復生其州有福創者州伯有病

積歲不復者其州滅亡

亡者州俗云復者木創敬謹

東方有桑樹焉高八十丈敷張自輔其葉長一丈廣

六七尺其上自有蠶作繭長三尺線一繭得絲一斤
有樵焉長三尺五寸圍如長

東方有樹焉高百丈敷張自輔葉長一丈廣六尺其
名曰黎如今之樗黎但樹大耳其子徑三尺剖之少
瓢白如素和羹食之為地仙衣服不敗辟穀可以人

水火一名木梨

東方有樹高五十丈葉長八尺名曰桃其子徑三尺

二寸和核羹食之令人益壽埤按別本作壽短誤食核中仁可

以治嗽小桃溫潤嘔嗽人食之即止埤按別本作嘔嗽人肉滑者誤

東海之外荒海中有山焦炎而峙高深莫測蓋稟至陽之爲質也海中激浪投其上喦然而盡討其晝夜喦攝無極若熬鼎受其洒汁耳

大荒之東極至鬼府山臂沃椒山

璋按玄中記云天

惡焦焉水灌而不已惡焦山名在東海南方三萬里海水灌之卽消卽沃椒也

脚巨洋海中

昇載海日蓋扶桑山有玉雞玉雞鳴則金雞鳴金雞

鳴則石雞鳴石雞鳴則天下之雞悉鳴潮水應之矣

東海滄浪之洲生彊木焉洲人多用作舟楫其上多

以珠玉爲戲物終無所負其木方一寸可載百許斤

縱石鎮之不能沒

東方荒中有木名曰栗其殼徑三尺三寸殼刺長丈

餘實徑三尺殼亦黃其味甜食之多令人短氣而渴

埤按太平御覽引此云東荒北有栗樹高三十丈栗
徑三尺其殼赤其肉黃白味甘食之令人短氣而渴

廣記所引
出西陽記

東方裔外有建山其上多橘柚

東南荒經

東南方有人焉周行天下身長七丈

埤按說郭所
引作七尺誤腹

圍如其長頭戴雞父魁頭

羣曰髮頰亂也
埤曰雞父未詳

朱衣縞帶

以赤蛇繞額一作惡尾合於頭不飲不食朝吞惡鬼

三千暮吞三百此人以鬼為飯埤按廣記飯作食別本作飲誤以露

為漿廣記作霧名曰尺郭一名食邪道師云吞邪鬼一名

赤黃父今世有黃父鬼

東南荒中有邪木高三千丈或十餘圍或七八尺其

枝喬直上不可邛也埤云邛猶何也葉如甘瓜二百歲葉落

而生花花形如甘瓜花復二百歲落盡而生萼萼下

生子三歲而成熟成熟之後不長不減子形如寒瓜

長七八寸徑四五寸萼復覆生頂言發萼而得成實此不取

萬世如故若取子而留萼萼復生子如初年月復成

熟復二年則成萼而復生子其子形如甘瓢少靚音練

甘美食之令人身澤不可過三升令人冥醉半日乃

醒木高人取不能得唯木下有多羅之人緣能得之

多羅國名一名無葉世人後生不見葉故謂之無葉也一

名倚驕按太平廣記引此作綺縞而張茂先注云驕謂直上不可那也知廣記誤

東南隅太荒之中有樸父焉夫婦竝高千里腹圍自

輔天初立時使其夫妻導開百川嬾不用意說郛作用力

謫之竝立東南男露其勢女露其牝勢牝謂男女之陰陽御覽作殺

不飲不食不畏寒暑唯飲天露須黃河清當復使其
夫婦導護百川古者初立此人開導河河或深或淺
或隘或塞故禹更治使其水不壅天責其夫妻倚而
立之若黃河清者則河海絕流水自清矣

東南海中有烜洲洲有溫湖鮒魚生焉其長八尺食
之宜暑而辟風寒

東南有石井其方百丈上有二石闕俠東南面上有
蹲熊有榜著闕曰地戶

南荒經

南方有人人面鳥喙而有翼手足扶翼而行食海中

魚有翼不足以飛一名鵬堯書曰放鵬堯于崇山按古

文尚書作鵬堯一名驩堯為人狠惡不畏風雨禽獸犯死乃

休耳

南方有人長二三尺袒身而目在頂上走行如風名

曰魍所之國大旱俗曰旱魃一名格子善行市朝衆中遇

之者投箸廁中乃死旱災消詩曰旱魃為虐或曰生

捕得殺之禍去福來

南荒外有火山其中生不盡之木埤按別本作晝夜不晝之木

火燃得暴風不猛猛雨不滅

埤按玄中記南方有炎火山四月生火其木皮

為火

浣布

南方大荒之中有樹焉名曰祖稼樞祖者祖黎也稼

者株稼也樞親暱也三千歲作華九千歲作實其華

藥紫色其實赤色其高百丈或千丈也敷張自輔東

西南北方枝各近五十丈葉長七尺廣五尺色如綠

青木皮如梓樹理如甘草味飴實長九尺圍如其長

而無瓢核以竹刀剖之如凝蜜

一作如酥

得食復見實即

滅矣言復見後實熟者壽一萬二千歲

埤按言復見以下十三字

乃茂
先註

南方大荒有樹焉名曰如何三百歲作華九百歲作
實華色朱其實正黃高五十丈敷張如蓋葉長一丈
廣二尺餘似菅苧色青厚五分可以絮如厚朴材理
如支九子味如飴實有核形如棗子或作棘子長五尺圍
如長金刀剖之則酸蘆刀剖之則辛食之者地仙不
畏水火不畏白刃

南方荒中有涕竹長數百丈圍三丈六尺厚八九寸
可以爲船其笋甚美食之可以止瘡癩

張茂先註
曰子笋也

南方有肝曠之林其高百丈圍三尺八寸促節多汁

甜如蜜咋嚙其汁令人潤澤可以節蛇蟲

廣記引作蛇蟲人

腹中蛇蟲其狀如蚓此消穀蟲也多則傷人少則穀

不消是甘蔗能滅多益少凡蔗亦然

不盡木火中有鼠重千斤毛長二尺餘細如絲但居

火中洞赤時時出外而毛白以水逐而沃之即死取

其毛績紡織以為布用之若有垢澆以火燒之則淨

南方蚊翼下有小蜚蟲焉目明者見之每生九卵復

未嘗有蝦復成九子蜚而復去蚊遂不知亦食人及

百獸食者知言蟲小食人不去也此蟲既細且小因

曰細蟻陳章對齊桓公小蟲是也

韋按陳章鶴蟻巢於蚊捷事見晏子

春秋

此蟲常春生以季夏藏于鹿耳中名嬰蚘

南方有獸似鹿而豕首有牙善依人求五穀名無損

之獸人割取其肉不病肉復自復其肉惟可作鮮使

糝肥美而咋肉不壞吞之不入糝盡更添肉復作鮮

如初愈美名曰不盡鮮是也

御覽獸部引此糝字作漑鮮字作鮮

南荒之外有火山長四十里廣五十里其中皆生不

燼之木火鼠生其中

南方有銀山長五十里高百餘丈悉是白銀

西南荒經

西南大荒中有人長一丈腹圍九尺踐龜蛇戴朱鳥

左手憑白虎知河海水斗斛識山石多少知天下鳥

獸言語土地上人民所道知百穀可食識草木鹹苦

名曰聖一名哲一名賢

俗曰先知

一名無不達凡人見而

拜之令人神智此人爲天下聖人也一名先通

西南方有人焉身多毛頭上戴豕貪如狼惡好自積

財而不食人穀彊者奪老弱者畏羣而擊單名曰饕